


CONVENIO URBANÍSTICO N.º 11 PARA A EXECUCIÓN DO PLANEAMENTO PARA OBTENCIÓN ANTICIPADA DE TERREOS DOTACIONAIS NECESARIOS PARA A CONSTRUCCIÓN DE GLORIETA SITUADA NA INTERSECCIÓN DE AVDA. XOSÉ CUIÑA E AVDA. MONTSERRAT LOCALIZADOS DENTRO DO ÁMBITO DO PLAN PARCIAL SUE-3 "CIRCUNVALACIÓN" DO P.X.O.M. DE LALÍN.



En Lalín, Pontevedra, ao 15 de setembro de 2.017, reunidos, dunha parte D. Nicolás González Casares, Concelleiro Delegado de Urbanismo do Concello de Lalín, que se atopa asistido de D. César López Arribas, Secretario Xeral; e doutra parte D. Antonio Vidal Neira, maior de idade, provisto con D.N.I. nº 33801432-J, estado civil casado, e D^a. Ana Vidal Neira, maior de idade, provista con D.N.I. nº 76796673-H, estado civil solteira, con domicilio ao efectos do presente convenio en Donramiro nº 69, Lalín (tlfno. 986783213).



Intervienen: o primeiro en nome e representación do Concello de Lalín, debidamente facultado para a firma do presente convenio en virtude de Decreto de Delegacións da Alcaldía de data 29-06-2015 (BOP de Pontevedra nº 142, do 27 de xullo de 2.015), e a segunda no seu propio nome e dereito.

Ambas as partes **recoñécense capacidade legal suficiente para o outorgamento do presente CONVENIO URBANÍSTICO PARA A EXECUCIÓN DO PLANEAMENTO, a cuxos efectos,**


EXPOÑEN:



PRIMERO.- Que D. Antonio e D^a. Ana Vidal Neira son donos e pacíficos posuídores a partes iguais e declaran ser os únicos heredeiros legais da súa nai, D^a María Luisa Neira García do terreo de 8,63 m² de superficie aproximada cuxo emprazamento, identificado co código 11, sinalase no plano adxunto ao presente Convenio Urbanístico e que forma parte da leira que se describe a continuación, sita no municipio de Lalín:



Descrición: Resto de leira matriz "Prado da Fonte de Donramiro" (nº 57 do plano parcelario do expediente de expropiación forzosa de bens para execución das obras de "Camino de Travesía Exterior de Lalín", propiedade de D. Antonio Neira Fernández).



Lalínkmzero

Urbanismo

Praza de Galicia, núm. 1
36500 Lalín (Pontevedra)
Tfno.: 986 787060 Fax: 986 780638
www.lalín.gal



Concello de Lalín

Linda na actualidade ao Sur con camiño (rúa da Fonte), a leste con Avda. Xosé Cuiña (antiga travesía exterior da carretera nacional N-525), ao Norte e Oeste con José Julio Rodríguez Bertolo.

Actualmente está ocupada por vía pública (Pista de Donramiro-rúa da Fonte).


- Título e data de adquisición: Por herdanza de súa nai D^a M^a Luisa Neira García, que herdaba do seu pai D. Antonio Neira Fernández, ao que lle era adxudicada por *partición extrajudicial del haber quedado de los causantes D. Secundino Neira Areán, D^a María Josefa y D^a Concepción Fernández Lalín, no ano 1954, como Finca nº 34 de su inventario: "El "PRADO DA FONTE" de 13,19 a., equivalentes acincuenta y nueve cuartillos a prado. Confina al Norte de herederos de Emilio Sampayo; Sur de camino; Este de herederos de Felipe Neira y al Oeste de los de Domingo López y de Pedro Pájaro."*
- Condicións, cargas e gravames: Libre de cargas e non arrendada desde hai máis de 10 anos.
- Inscripción no rexistro da propiedade:
- Referencia catastral:

SEGUNDO.- Que o vixente Plan Xeral de Ordenación Municipal de Lalín (PXOM) establece as determinacións urbanísticas que afectan a este terreo, outorgando ao mesmo a clasificación de solo urbanizable, estando incluído dentro do ámbito delimitado do SUE-3 "Plan Parcial Circunvalación", que constitúe a área de repartición 41, como dotación pública de Sistema Xeral Viario SG-V.1 ("Ampliación Circunvalación").

TERCEIRO.- Que en desenvolvemento do citado PXOM, o Concello de Lalín en sesión plenaria celebrada o 29/07/2010 acordou aprobar definitivamente o correspondente Plan Parcial, acordo que fué publicado no DOG n.º 205 de 25/10/2010, e cuxas determinacións urbanísticas corresponden cunha edificabilidade lucrativa máxima sobre o sector, sen sistemas xerais adscritos, de 0,825 m²/m²s, unha densidade máxima de 75 vivendas/ha., e un aproveitamento tipo de 0,5068 m²c do uso residencial multifamiliar libre por metro cadrado de solo da área de repartición.

CUARTO.- Que o Concello de Lalín está interesado na obtención anticipada do terreo citado destinado polo planeamento urbanístico a dotación pública de Sistema Xeral Viario, SG-V.1, ao obxecto de mellorar a accesibilidade viaria ao núcleo urbano de Lalín por canto é a única glorieta pendente de executar das previstas no Plan Xeral de Ordenación Municipal en devandito viario estruturante; procurando establecer, a estes efectos, acordos cos propietarios dos citados terreos ao obxecto de anticipar a entrega e cesión dos mesmos ao Concello mediante a formalización de convenios ao amparo do establecido na vixente lexislación urbanística.

QUINTO.- Con esta finalidade, o Concello de Lalín ten intención de proceder á obtención do devandito terreo destinado a Sistema Xeral Viario SG-V.1 mediante algún dos procedementos (cesión obrigatoria, ocupación directa, permuta forzosa, expropiación forzosa, **convenio urbanístico**) establecidos no artigo 129 da LEI 2/2016, do 10 de febreiro, do solo de Galicia.



Lalín K M O

Urbanismo

Praza de Galicia, núm. 1
36500 Lalín (Pontevedra)
Tfno.: 986 787060 Fax: 986 780638
www.lalín.gal



Concello de Lalín

SEXTO.- Que estando as partes conformes con que o procedemento para utilizar neste caso sexa o CONVENIO URBANÍSTICO, e para tal efecto subscriben o presente, con acordo ás seguintes:

ESTIPULACIÓNS:

PRIMEIRA.- D. Antonio e D^a. Ana Vidal Neira (no sucesivo, *a propiedade*), na súa calidade de lexítimos propietarios do terreo afectado polo presente CONVENIO URBANÍSTICO, manifestan a súa conformidade co contido do presente documento, e outorgan a entrega e ocupación anticipada, libre de cargas e gravames, a partir da firma do presente documento, polo Concello de Lalín do terreo de 8,63 m2 de superficie a que se refire exponendo primeiro, incluíndo construcións e demais bens existentes no mesmo, cualificado como Sistema Xeral Viario SG-V.1 que se define no aprobado Plan Parcial do sector de solo urbanizable SUE-3 "Circunvalación".

SEGUNDA.- *A propiedade*, en cumprimento da estipulación primeira, entrega neste acto e anticipadamente ao Concello de Lalín o terreo obxecto do presente Convenio; así mesmo, renuncia ao cobro de calquera obra, instalación ou plantación que puidese existir no devandito terreo. Do mesmo xeito, manifesta a súa conformidade expresa coa entrega anticipada e ocupación do terreo mencionado na estipulación primeira.

TERCEIRA.- En compensación do terreo cedido ao Concello neste convenio, o Concello de Lalín recoñece á propiedade o seguinte aproveitamento urbanístico:

- Pola superficie de 8,63 m2 de terreo incluído dentro do ámbito delimitado do Plan Parcial SUE-3 "Circunvalación" recoñécese o aproveitamento urbanístico de 3,9363 m2 construídos do uso residencial multifamiliar, correspondente á aplicación a esa superficie do 90% do aproveitamento tipo establecido no Plan Parcial aprobado de 0,5068 m2C do uso residencial multifamiliar libre por metro cadrado de solo, que se materializarán en leste mesmo ámbito do SUE-3 de acordo coa ordenación urbanística establecida e coa parcelación resultante do correspondente Proxecto de Reparcelación.

Este aproveitamento urbanístico recoñecido inclúe xa a dedución da cesión obrigatoria do 10 % do aproveitamento lucrativo ao Concello.

CUARTA.- En caso de alleamento ou transmisión da propiedade dos terreos afectados polo presente convenio urbanístico, supoñerá por parte do adquirente a subrogación de dereitos, deberes e cargas que se asumen no presente convenio, comprometéndose o titular a facelo constar no documento de transmisión correspondente.

QUINTA.- O presente convenio urbanístico carecerá de validez e de eficacia ata que non sexa ratificado polo órgano competente do Concello de Lalín, realizándose a súa tramitación conforme determina o Título VII da *LEI 2/2016, do 10 de febreiro, do solo de Galicia*.

SEXTA.- *A propiedade*, en cumprimento da Estipulación Primeira, fará a entrega anticipada ao Concello de Lalín dos terreos, construcións e demais bens afectados obxecto do presente Convenio Urbanístico, no prazo de quince (15) días desde a súa ratificación polo órgano competente do Concello de Lalín, outorgando neste acto ao Concello a facultade para proceder á ocupación inmediata do terreo citado, asinando a correspondente acta de ocupación.

SÉTIMA.- *A propiedade* comprométese a realizar cantas actuacións fosen precisas para ratificar este convenio e achegar, no seu caso, canta documentación requíraselle para dita finalidade (regularización catastral e documental da súa parcela, comparecencia persoal ante fedatario público e ante rexistro da propiedade, etc.).

Os gastos derivados da previa regularización documental e catastral da parcela obxecto deste convenio, e a súa posta ao día, serán por conta do propietario. Pola contra, todos os gastos e impostos derivados da elevación a público deste documento, ou do outorgamento do que procedese no seu lugar, e da súa inscrición no rexistro da propiedade, serán sufragados polo Concello de Lalín.

Lido é achado conforme, e co firme propósito de cumprir todo o aquí acordado, asinan as partes o presente CONVENIO URBANÍSTICO que se transcribe en 4 follas de papel timbrado do Concello, correlativamente numeradas e rubricadas, e plano anexo (*Plano nº 1: Identificación de parcelas*), por triplicado e a un só efecto no lugar e data indicados ao principio, ante min, o Secretario Xeral, de todo o cal dou fe.

Polo Concello

Asdo.: D. Nicolás González Casares



Pola propiedade


Asdo.: D. Antonio Vidal Neira

Asdo.: D^a. Ana Vidal Neira

Ante mín, o Secretario Xeral

Asdo.: D. César López Arribas





Delimitación glorieta

①

Parcelas afectadas. Numeración

PROYECTO DE GLORIETA AVXOSÉ CUIÑA - AVDA. MONTSERRAT, Lalín.

Setiembre 2017
Escala: 1/500
PROYECTOR: CONCEJO DE LALÍN

Plano nº 1: IDENTIFICACIÓN DE PARCELAS